

## ÓRA KI BU TA PAGA PA GAZULINA, RESEBI KUANTIDADI SERTU

Nôs fusionárius di Pezus y Mididas ta verifika regularmenti presizon di tudu bonba di gazulina. Tanbê es ta verifika tankis di armazenamentu di gazulina pa garanti ma postus sta bendi nível di oktanas anunsiadu. Si atxadu infrason, vendedor podi ser multadu y prudutu retiradu.

### ***Kuzê ki bu podi fazi:***

- Sertifika ma bô ô antendentis sta uza bonba kuretu. Klasifikason pa oktana y présu pa litru ô galon debi sta markadu klaru na kada bonba.
- Sertifika ma bonba sta na zero antis di bonbia kualker gazulina.
- Konfirma présu ta multiplika númeru di galons pa présu di unidadi. Sertifika ma kel li ta mostra total a ser pagu, ô si bu sta ta bonbia gazulina, pára bonba na izatamenti 10 galon sô pa verifika si total sta kuretu. Izenplu: 10 galon x 1.349 pa galon = \$ 13.49.
- Si bu teni un problema ki ka sta rezolvidu ku postu di gazulina, kontakta Departamentu di Servisus di Inspeson.
- Antes di uza, sertifika ma un selu ofisial sta ligadu a tudu dispuzitivos ki ta peza. Keli ta konfirma ma ikipamentu foi testadu y konsideradu presizu.

Pa rezidentis y turistas di Sidadi di Boston:

Komu Prezidenti di Kámara Munisipal di Boston, N sta kontenti di odja ma bu konsidera fazi konpra na nôs loja di kumérsiu lokal, na supermerkadus y na postus di gazulina. Boston ten alguns di kes midjor lojas di Massachusetts.

Na nos dia-a-dia nu ta atxa kuzas ki ta bendedu pa pezu, sima karni, fruta y verdura, gazulina, óliu di akesimentu di kaza, lenha di lumi y ti un korida di táxi.

Pezus y Mididas ta dizenpenha un papel inpurtanti na nôs dia-a dia. Nôs Seladoris Adjuntu di Sidadi di Boston ta sai tudu dia pa garanti ma konsumidor sta resebi kel ki es ta paga pa el.

Departamentu di Servisus di Inspeson skrebi es fulhetu pa djuda-u abo, komu konsumidor, sabi kuzê ki bu debi fazi tudu dia. Ker bu sta kunpra gazulina na un postu di gazulina lokal ô ta fazi konpra na nôs lojas di kumunidadi, bu debi sabi ma es sta ta kuida di bo.

N ta spera ma nu fla-u tudu kel ki bu mesti sabi komu konsumidor y ma bu spriénsia di konpra ta ser agradável.

Atensiozamenti,  
Prezidenti di Kámara  
Munisipal Michelle Wu

SI BU TENI ALGUN PERGUNTA Ô BU MESTI AJUDA, PUR FAVOR KONTAKTA SERVISUS DI INSPESON DI SIDADI DI BOSTON.

[boston.gov/isd](https://boston.gov/isd)

[isd@boston.gov](mailto:isd@boston.gov)

617-635-5300

# TA OFRESI KONSUMIDORIS SERVISUS DI KUALIDADI



CITY of BOSTON

5246-



Inspectional Services

## ÓRA KI BU KUNPRA, RESEBI PRÉSU SERTU

Dijitalizason iletróniku ê ka infalivel, podi kobradu présu eradu. Pur isu, nôs funsionáriu di Pezu y Midida ta inspesiona lojas di manera aliatóriu y sen avizu préviu pa garanti ma présus sta kuretu. Dividu a kes inspeson li, persentaji di eru ta kontinua ta dixi, más ten mididas ki bo, komu konsumidor, podi toma.

### ***Kuzê ki bu podi fazi:***

- Spia ekran pa odja présus. Si bu atxa ma bu sta ser kobradu dimás, fla algun kuza. Pergunta sobri pulítika di loja sobri eru na présus y pidi na kaxa pa fazedu ajusti antis di bu paga. Apezar di alguns loja ta sinplesmenti ajusta préso, otus ta tra un valor adisional. Otus inda ta ofresi kel iten ki teni préso eradu di grása.
- Leba un kópia di fulhetu di loja ô anúnsiu di jornal pa kaxa.
- Konsidera skrebi présus ô promoson spesial inkuantu bu ta anda dentu loja. Na supermerkadu, bu podi uza un kaneta ô lápis pa bu skrebi préso di prudutus na pakoti.
- Djobi bu risibu antis di bu bai bu kaminhu. Si bu atxa algun kuza mariadu, pidi na kaxa pa fazedu un ajusti. Si dja bu sai fora di kaxa, djobi jerenti di loja ô jerenti di departamentu pa kuriji kualker eru.
- Si probléma ka for rezolvidu, kontakta Servisus di Inspeson di Boston.
- Antis di uza, sertifika ma selu ofisial foi koladu na tudu ikipamentu ki ta peza. Keli ta konfirma ma ikipamentu foi testadu y konsideradu presizu.

## ÓRA KI BU TA KUNPRA, RESEBI PRÉSU SERTU

Paga sô pa prudutu y nau pa pakoti. Óra ki bu ta kunpra karni ô alimentus fresku inbaladu, bu debi paga sô pa pezu líkidu di prudutu. Si bu kunpra salada di batata na sekson di xarkutaria, bu debi paga sô pa salada, nau pa pezu di inbalaji.

Na txeu loja, balansa iletróniku ô informatizadu ki ta uzadu na kaxa ta sta konfiguradu automatikamenti pa diskonta pezu di inbalaji. Na otus balansa, trabadjador di bendas debi ajusta balansa pa diskonta material di inbalaji manualmenti.

Balansa ten ki sta puzisionadu di manera ki ta da pa bu odja pezu. Si bu ka ten serteza, pidi pa pezadu kel inbalaji otu bês antis di bu kunpra. Pergunta di préso di inbalaji foi diskontadu.

Nôs fusionáriu de Pezus y Mididas ta vizita lojas regularmenti pa inspesiona y peza prudutus pre-inbaladu. Tanbê es ta djobi si preson di balansa ki ta uzadu sta presizu.

### ***Kuzê ki bu podi fazi:***

- Presta atenson na balansa ku na valor rejistadu. Balansa debi ser puzisionadu di manera ki ta da pa bu odja pezu, préso y otus informason.
- Sertifika ma balansa ta mostra un zeru ô sinal negativu antis di peza algun kuza. Paga SÔ pa prudutu, NAU pa pakoti.
- Si bu ten kualker pergunta sobri modi ki un loja ta peza ô ta midi prudutus, pergunta jerenti primeru pa informason.
- Si probléma ka for rezolvidu, kontakta Servisus di Inspeson di Boston.

## ÓRA KI BU TA KUNPRA ÓLIU DI AKESIMENTU PA KAZA, RESEBI KUANTIDADI SERTU

Konbustível di akesimentu duméstiku ta bendedu pa vulumi. Nôs fusionáriu di Pezus y Mididas ta verifika regularmenti presizon di tudu mididor di óliu. Óra ki es produtu ta ser intregi na bu kaza, vendedor debi da-u un "bilheti di intrega" na mumentu di intrega, a nau ser ki fazedu otu akordu pur skritu y antis di benda.

### ***Kuzê ki bu podi fazi:***

Verifika bilheti di intrega, ê debi ten sigintis informason na el.

- Númeru di séri
- Data di Intrega
- Nomi y morada di vendedor rejistadu di
- forma lejível Nomi di y morada di konprador rejistadu di forma lejível
- Kuantidadi di óliu intregi skritu ku letra di mákina na bilheti
- Un númeru di sekuénsia di benda skritu ku letra di mákina
- Préso pa galon
- Identidadi di kenha ki ta fazi es intrega (podi ser nómi di kondutor, inisial ô númeru di kódigu)
- Si bu ka resebi un bilheti ô si na bilheti ki bu resebi sta falta algun di kes informason li, kontakta Servisus di Inspeson di Boston.
- Antis di uza, sertifika ma selu ofisial foi koladu na tudu ikipamentu ki ta peza. Keli ta konfirma ma ikipamentu foi testadu y konsideradu presizu.